



Bosne i Hercegovine
Босне и Херцеговине

5.pješačka/pješadijska brigada OS BiH
5.пјешадијска бригада ОС БиХ

Bilten/Билтен

Broj 2



prosinac/decembar 2013.godine

Poštovani čitatelji,

Zadovoljstvo mi je što vas mogu na kraju ove kalendarske godine pozdraviti u našem drugom po redu, brigadnom Biltenu. U njemu je ukratko predstavljen rad naše brigade u 2013. godini i svakako da nismo mogli obuhvatiti sve ono što se dešavalo u brigadi, stoga smo ovdje izdvojili samo neke segmente za koje smatramo da će vam biti interesantni i značajni za razumijevanje života i rada naših pripadnika pa i brigade u cjelini kao jednog segmenta Oružanih snaga Bosne i Hercegovine.

U ovom uvodnom obraćanju, ukratko ću se osvrnuti na 2013. godinu u kojoj je naša brigada našla na veliki broj izazova i zadataka i na koje je u konačnici uspjela odgovoriti.



Na prvom mjestu ističem obuku i vježbu vanjskog ocjenjivanja "Dinamičan odgovor 13-5" jer je po prvi put od formiranja OS BiH, jedna jedinica ranga brigade izvela ovaj vid vježbe sa više od 90% ljudstva, naoružanja i vojne opreme istovremeno angažovanog na poligonu Manjača. Vježba je ocijenjena kao vrlo uspješna a postignuti rezultati su bili iznad očekivanih. Obuka koju 5. pješadijska brigada provodi sa Mobil Training Team-om kao i zajednička obuka sa EUFOR-om, bitno utiče na podizanje standarda obučenosti, kompatibilnosti i interoperabilnosti sa oružanim snagama zemalja članica NATO-a. U tom cilju pristupilo se uređenju taktičkih poligona za obuku, a kao rezultat toga danas na lokaciji kasarne i aerodroma "Dubrave" imamo četiri zasebna poligona u vidu četiri zasebne cjeline odnosno "taktičke kutije", koje međusobno podržavaju jedna drugu i čine jednu taktičku stazu. Ovakvim koncipiranjem poligona za obuku, i upotrebom dostupnih resursa omogućit će se kvalitetnija i realističnija obuka, centralizacija i unificiranje obuke, te ušteda resursa prilikom izvođenja iste.

U skladu sa misijom 5.pbr i odlukama naređenjima nadređenih, pripadnici 5.pbr sudjelovali su različitim mirovnim misijama u IR Afganistan: u sastavu Njemačkog i Danskog kontingenta OS, te vojno-policajskih snaga u organizaciji američke savezne države Meriland. Prije upućivanja, naši pripadnici su prošli vrlo zahtjevne obuke.

Kroz stalnu suradnju sa lokalnom zajednicom, postigli smo da su građani Bosne i Hercegovine i te kako prepoznali značaj i ulogu prilikom angažiranja i pomoći koja im je pružena od OS BiH, te u tom smislu 5.pbr i u narednom periodu ostaje raspoloživa civilnim strukturama u slučaju elementarnih nepogoda i drugih katastrofa, kao i u podršci različitim oblicima manifestacija.

U narednom vremenskom periodu pred nama стоји niz izazova koji se prvenstveno ogledaju u nastavku učešća pa čak i pojačanog angažmana u mirovnim misijama, provođenju zahtjevnijih i multifunkcionalnih simulacijskih i rotacijskih vježbi i pružanja pomoći civilnim strukturama u slučaju elementarnih i drugih nepogoda, te podizanje nivoa standarda kroz individualnu i kolektivnu obuku kao i zajedničku obuku sa EUFOR-om i drugim međunarodnim organizacijama.

Posebnu pažnju želim posvetiti izgradnji boljih i čvršćih odnosa sa lokalnim zajednicama u kojima žive i rade naše jedinice, jer iako smo profesionalizirani mi smo i dalje narodna vojska. Zbog toga ćemo nastojati da obogatimo nivo saradnje i na taj način doprinesemo uspješnjem izvršenju tog dijela naše misije ali i da radimo na unapređenju imidža koji Oružane snage imaju kod svog naroda.

Vjerujući u svoje starješine i vojnike, poznavajući njihovu motiviranost, odlučnost i predanost misiji 5.pbr, vjerujem da za nas i u 2014. godini neće biti nesavladivih prepreka!

brigadir
dr.sc. Kenan Dautović

Sadržaj:

Aktualnosti.....	2-4
Obuka.....	5-11
Civilno-vojna suradnja.....	12-15
Sport.....	16
Manifestacije.....	17
Vjerske aktivnosti.....	18



Primopredaja dužnosti zapovjednika 5.pbr OS BiH

satnik Ivo Deanović

Časnik za informiranje, 5.pbr OS BiH

U sklopu redovitih rotacija zapovjednog kadra u OS BiH, tijekom mjeseca veljače 2013. godine, izvršena je primopredaja dužnosti zapovjednika 5. pješačke brigade OS BiH. Dosadašnji zapovjednik 5.pbr OS BiH brigadni general Senad Mašović, dužnost je predao novoimenovanom zapovjedniku brigadiru Kenanu Dautoviću. Sukladno Planu primopredaje dužnosti, brigadni general Senad Mašović i brigadir Kenan Dautović, dana 08.02.2013. godine izvršili su obilazak 3.pb razmještene u Bijeljini, dana 11.02.2013. godine obišli su 1.pb u Zenici i topničku bojnu razmještenu u Žepču. Obilazak 2.pb razmještene u Kiseljaku izvršen je 21.02.2013. godine.

Tijekom obilaska postrojbi 5.pbr, novoimenovani zapovjednik 5.pbr OS BiH brigadir Kenan Dautović upoznao se sa starješinama navedenih bojni. Zapovjednici bojni pukovnik Branko Studen u Bijeljini, pukovnik Mirsad Stabančić u Zenici, pukovnik Vlatko Marinčić u Žepču, te pukovnik Josip Slišković u Kiseljaku, putem informativnog brifinga upoznali su brigadira Dautovića sa ključnim aktivnostima i planovima tijekom 2013. godine. Posjeti navedenim bojnama okončani su obilaskom lokacija razmještaja, tijekom kojih se brigadir Kenan Dautović upoznao sa njihovim infrastrukturnim kapacitetima i mogućnostima.

Ceremonijom svečanog postrojavanja postrojbi 5.pbr OS BiH u nazočnosti tadašnjeg Zamjenika Načelnika ZS OS BiH general bojnika Ante Jeleča, O.D. zapovjednika OZ OS BiH brigadnog generala Ivica Jerkića te drugih visokih zvanica iz sastava OS BiH, dana 14. veljače 2013. godine, na lokaciji VB „Aerodrom Dubrave“ izvršena je primopredaja dužnosti zapovjednika brigade između brigadnog generala Senada Mašovića i brigadira Kenana Dautovića. Tijekom svog obraćanja general Mašović je prisutne ukratko podsjetio na aktivnosti koje je brigada realizirala u protekle četiri i pol godine. Uz konstataciju da je ponosan što se duži vremenski period nalazio

na čelu brigade, zaželio je novom zapovjedniku „da još uspješnije od njega obnaša ovu odgovornu dužnost“. Nakon toga, uz nazočnost O.D. zapovjednika OZ OS BiH brigadnog generala Ivice Jerkića, brigadni general Senad Mašović i brigadir Kenan Dautović izvršili su potpisivanje Zapisnika o primopredaji dužnosti zapovjednika 5. pbr OS BiH, čime je brigadir Dautović i zvanično preuzeo dužnost zapovjednika brigade.

U skladu sa Protokolom, prisutnima se obratio



O.D. zapovjednika OZ OS BiH brigadni general Jerkić. On je istakao zadovoljstvo što je imao čast da između ostalog bude nadređen jednoj takvoj postrojbi kakva je 5.pbr. Zahvalio se generalu Mašoviću na dosadašnjoj saradnji poželivši mu puno sreće na novoj dužnosti. General Jerkić je svoje obraćanje završio čestitkom novom zapovjedniku brigadiru Dautoviću, poželivši mu uspješno zapovijedanje brigadom. Nakon obraćanja generala Jerkića, po prvi put u zvaničnoj ulozi zapovjednika prisutnima se obratio brigadir Dautović, koji nije krio zadovoljstvo što mu je povjerena dužnost da bude na čelu brigade. On je na kraju svog obraćanja zaključio „da će na temelju onoga što je u proteklih nekoliko dana vidio“ zasigurno ispuniti sva očekivanja koja su pred njim postavljena.

Подофицирски клуб 5.пбр на локацији Команде бригаде

ст.вод.И.кл. Зоран Пророк
Подофицир за ЦВС, 5.пбр ОС БиХ

Дана 25.07.2013. године на локацији размјештаја Команде 5.пбр у Касарни и



аеродрому Дубраве, бригадни генерал Сакиб Форић и Командант 5.пбр бригадир др.сц. Кенан Даутовић, уз присуство Команданата бригада ОК ОС БиХ, свечано су отворили Подофицирски клуб 5.пбр. Главни подофицир бригаде, заставник I класе Омер Бећиревић, који је иницијатор овог пројекта, присутне је информисао о намјени подофицирског клуба као и о секцијама (војнички изазов, стрељаштво и радио аметерство) које већ дужи период функционишу, те о литератури тек оформљене библиотеке. Након свечаног отворења присутни су обишли просторије Подофицирског клуба. Команда и јединице 5.пјешадијске бригаде настоје да поред обуке и редовних задатака, кроз разне облике спортског и рекреативног садржаја афирмише своје припаднике у циљу стицања нових знања и вјештина.

Humanost i hrabrost na djelu

bojnik Zdenko Vidaković
Časnik za informiranje, 5.pbr OS BiH

Grupa ljudi koja je 07.03. ove godine, kraj rijeke Bosne u Zeničkom naselju Blatuša, nešto glasno dovikivala mahajući rukama, bili su signal našem kolegi, vojniku Mirhetu Kokiću, pripadniku 1.pješačke bojne, da se u njegovoј blizini događa nešto nesvakidašnje. Zenicom su odzvanjali zvuci ambulantnih i vatrogasnih sirena što je našeg kolegu dodatno uznenimirilo. Prilazeći bliže grupi uznemirenih građana, primjetio je žensku osobu kako gotovo mirno pluta sredinom nabujale rijeke.

Bez razmišljanja je skinuo svoju jaknu, skočio u hladnu vodu te počeo plivati prema ženi. Tek tada je primjetio da u svom pokušaju spašavanja ljudskog života nije sam. Nekoliko trenutaka ranije u rijeku je također skočio još jedan hrabri Zeničanin, Enes Kačamaković. Zajedno su doplivali do utopljenice te su je tek stotinu



metara nizvodno uspjeli izvući na obalu gdje su je preuzeli djelatnici hitne pomoći zeničkog Doma zdravlja. Tek kasnije su saznali da se radi o njihovoj sugrađanki Z.S., koja je skočivši sa željezničkog mosta u rijeku Bosnu, pokušala себи oduzeti život.

Printani i elektronski mediji narednih nekoliko dana pisali su o ovom догађају ističићу hrabrost

ove dvojice Zeničana, koji stanuju u istom dijelu grada, naselje Blatuša, ali do ovog događaja se nisu poznavali, a taj događaj učinio ih je prijateljima i od tada često su na zajedničkoj kavi. U razgovoru sa našim kolegom Kokićem isti nam je rekao: " U tom trenutku kada sam shavtio da je u rijeci utopljenica, nisam ni jednog trenutka razmišljo i pitao se da li trebam skočiti u hladnu vodu. Nisam razmišljao o posljedicama, hladnoj vodi, mogućoj prehladi, ili čak o svom vlastitom životu. Mojim tijelom je strujala samo jedna misao: spasiti!" Ovako govori naš kolega, koji

Trazicijska radionica za pripadnike OS BiH

bojnik Zdenko Vidaković

Časnik za informiranje, 5.pbr OS BiH

Obzirom na zakonske odredbe kojima je reguliran otpust i prestanak djelatne vojne službe za pripadnike Oružanih snaga BiH, Zapovjedništvo 5.pješačke brigade je ovog godine organiziralo nekoliko jednodnevnih "tranzicijskih radionica" za svoje pripadnike koji se nalaze u procesu tranzicije i prestanka DVS-a, odnosno kojima u 2013. godini ističu Ugovori o DVS-u. Prva takva radionica organizirana je na lokaciji vojarne i zračne luke "Dubrave" početkom veljače a uslijedile su radionice na lokacijama razmještaja bojni, Zenica, Kiseljak, Bijeljina i Žepče.

Na radionicama su našim pripadnicima prezentirane informacije o samom tijeku tranzicije, mjerama i aktivnostima koje Ministarstvo i Oružane snage BiH poduzimaju kako bi proces otpusta prošao što "bezbolnije", a njihova adaptacija u civilni sektor bila što učinkovitija. U tom smislu, prezentirane su im informacije o njihovim pravima, obvezama i odgovornostima u procesu tranzicije, počevši od prava i uvjeta pod kojima se vrši prijavljivanje na zavode za zapošljavanje, pa do varijanti samozapošljavanja posredstvom NATO Trust Fonda tj. pokretanjem sopstvenog biznisa, do prezentacije mreže kontakata sa organima i institucijama civilne vlasti.

nam ipak u kasnijem razgovoru pominje da je nakon ovog događaja ima zdravstvenih problema, jer nedugo nakon ovog događaja dijagnosticirana mu je upale pluća od koje se i dans lijeći. Ipak napominje: "Opet bi učinio isto!"

Za ovaj human, nesebičan i nadasve hrabar podvig, O.D. Načelnika Zajedničkog stožera Oružanih snaga BiH, general-bojnik Anto Jeleč, našeg kolegu Mirheta Kokića nagradio je novčanom nagradom.



Tijekom 2013. godine ukupno za 164 pripadnika 5.pbr prestala je djelna vojna služba. Za njih 150 do prestanka DVS došlo je poradi isteka Ugovora i nemogućnosti produljenja istih sukladno članku 101. Zakona o službi u OS BiH, dok je za 10 pripadnika do raskida Ugovora došlo poradi drugih razloga: osobni zahtjev za raskid, stegovne mjere i dr. Za trojicu pripadnika 5.pbr djelatna vojna služba je prestala poradi redovitog umirovljenja, a na žalost, jedan naš kolega, Branko Ružović, smrtno je stradao u prometnoj nezgodi.

U narednoj 2014. godini, za 11 naših pripadnika ističu Ugovori, te sukladno Zakonskim odredbama, isti neće biti produljeni.

U ovoj godini naša brigada je izvršila prijem 161 mladog vojnika 11., 12. i 13. klase koji su uspješno završili obuku u Središtu za temeljnu obuku "Pazarić" u Pazariću kod Sarajeva.

Vježba vanjskog ocjenjivanja "Dinamičan odgovor 13-05"

bojnik Zdenko Vidaković
Časnik za informiranje, 5.pbr OS BiH

Rezultat svakog vojnog uspjeha temelji se na dobro planiranoj i još bolje provedenoj obuci, te je stoga obuka najvažnija aktivnost oružanih snaga u mirnodopskim uvjetima. Sam proces obuke služi za uvježbavanje pojedinaca, timova i kolektiva, doprinosi razvoju istih te ih dovodi u stanje psiho-fizičke spremnosti potrebite za izvršenje misije. Ključno je svakako u obuci i razvijanje sustava vođenje i zapovijedanja (ViZ), koje kroz pravovremeno dijeljenje informacija sustavom ViZ osigurava donošenje najučinkovitijih odluka. Krajnji rezultat svake obuke treba biti vrhunski osposobljen, samopouzdan i motiviran, kako vojnički, tako i dočasnički i časnički kadar.

Vodeći se narečenim, 5.pješačka brigada OS BiH u procesu osposobljavanja svojih pojedinaca i brigade u cjelini, u lipnju ove godine provela je vježbu vanjskog ocjenjivanja pod nazivom „Dinamični odgovor 13-05“. Samoj vježbi prethodila je gotovo petomjesečna priprema i obučavanje postrojbi 5.pbr, zajedno i u koordinaciji sa drugim postrojbama OS BiH.

Na samom početku priprema za vježbu „Dinamičan odgovor 13-05“ 05.12. 2012. godine održana je Inicijalna planska konferencija (IPC) u vojarni „Rajlovac“ na kojoj su usvojeni

inicijalni, početni nacrt EXPLAN-a, date upute i smjernice za pripremu, provođenju i potpori vježbe te potvrđene ključne aktivnosti/događaji za vježbu „Dinamičan odgovor13-5“ Glavna planska konferencija - MPC (Main Planning Conference) je održana 07.02.2013. godine na lokaciji Zapovjedništva brigade u vojarni i zračnoj luci „Dubrave“ na kojoj su urađeni planski dokumenti za vježbu u skladu sa SOP za vježbe vanjskog ocjenjivanja. Pored predstavnika „ključnog igrača“, djelatnika 5.pbr, na istoj su nazočili i djelatnici Zajedničkog stožera i Operativnog zapovjedništva, kao i djelatnici postrojbi koje su izravno bile uključene u proces obuke, odnosno provedbu vježbe. Tako su na konferenciji bili prestavnici Zapovjedništva potpore, Brigade taktičke potpore, Brigade zračnih snaga i protuzračne obrane, kao i predstavnici snaga EUFOR-a. Konferenciju je otvorio brigadni general Sakib Forić, Zamjenik Zapovjednika za operacije OZ OS BiH, koji je u cijelom ovom petomjesečnom procesu imao dužnost Časnika za provedbu vježbe.

Po okončanju konferencije i podjeli zadataka, odmah se pristupilo planiranju i provedbi prvih koraka ka završnom cilju, odnosno samoj vježbi. Tako su već 11.02.2013. godine 2. i 3.pješačka bojna bile ne terenu sa svojim pripadnicima. 2.pješačka bojna je uprkos teškim meteo uvjetima, tri dana provela na lokaciji LPO "Glamoč" provodeći Situacijsku terensku vježbu - STX (Situation Terrain Excise), dok je 3.pješačka bojna paralelno provodila vježbu u Središtu za borbene simulacije (SBS) na sustavu „JANUS“ na lokaciji vojarne „Mika Bosnić“ na Manjači.

I sljedeća vježba koja je uslijedila provedena je u teškim meteo uvjetima, koji ipak nisu uticali na sam rezultat vježbe. Radilo se o kvalifikacijskom bojevom gađanju iz MB 60 i 120mm, haubica D-30 i raketnih bacača 90mm „OSA“ i 64 mm



Zapovjednik brigade brigadni general Senad Mašović na otvaranju Glavne planske konferencije



Kvalifikacijsko bojivo gađanje – Položaj MB 120mm

„ZOLJA“, koje su zajedno proveli 3.pješačka i Topnička bojna na poligonima SBO „Manjača“. Samom izvršenju gađanja prethodile su pripreme posada, kontrole ispravnosti oruđa i obučenosti pojedinaca, timova i postrojbi, da bi na kraju uslijedilo uručivanje Cetifikata od strane Zapovjedništva obuke i doktrine kojima je potvrđena obučenost i spremnost za završnu vježbu koja će uslijediti četiri mjeseca kasnije.

Nakon ovoga uslijedile su vježbe 2.pješačke bojne na sustavu „JANUS“ po istom scenariju koji je prošla 3.pješačka bojna, a poslije toga uslijedilo je i njihovo zajedničko kvalifikacijsko bojivo gađanje sa Topničkom bojom na LPO „Manjača“.

Nositelj naredne aktivnosti bilo je Operativno zapovjedništvo, a radilo se o Finalnoj koordinacijskoj konferenciji - FCC (Final Coordination Conference). Nakon ove konferencije uslijedile su još dvije vježbe, prva u organizaciji 3.pješačke bojne, a druga je bila MAPEX vježba Zapovjedništva bojne gdje je još jednom rađeno na uvježbavanju rada Zapovjedništva i ključnog pridodatog osoblja u procesu donošenja vojnih odluka, od prijema zapovijedi pa do izvršenja misije.

Po okončanju svih priprema, vježba je provedena na poligonu SBO „Manjača“ u periodu od 10. do 19.06.2013. godine. Kao što je i u uvodu rečeno, na vježbi su aktivno sudjelovali i drugi sastavi

Oružanih snaga BiH, a sve se odvijalo pod stalnim nadzorom nadređenog zapovjedništva, odnosno Operativnog zapovjedništva, generala Vukovića i njegovih suradnika koji su u pojedinim fazama vježbe i sami bili na terenu.

Važnost ove vježbe potvrđuje i dolazak 10.06.2013.godine delegacija Ministarstva obrane BiH, Zajedničkog stožera OS BiH, Operativnog zapovjedništva OS BiH, NATO Stožera iz Sarajeva te EUFOR-a na čelu sa Zapovjednikom general-bojnikom Diterom Hajdekerom.

Na kraju da napomenemo, da je vježba vanjskog ocjenjivanja „Dinamičan odgovor 13-5“ provedena u specifičnim okolnostima kako po dinamici izvođenja tako i po sadržaju, broju sudionika. Pored kvaliteta prikazanih tijekom realizacije vježbe, treba naglasiti da je ovo bila



Zapovjednik 5.pbr OS BiH brigadir dr.sc. Kenan Dautović informira visoke goste o tijeku i provedbi vježbe

prilika u kojoj se gotovo kompletan personal brigade (90% pripadnika brigade) istovremeno našao na izvršenju zadaća, što opet znači da je operativnost brigade na visokoj razini.

S druge strane, treba naglasiti da su brigadi po prvi put od izvođenja simulacija bili proidodati logistički elementi 5.bojne logističke potpore i elementi logističke bojne koji su u vježbi sudjelovali kao sastavni dio brigade.

BHCON-FPU-007

*kapetan Emir Helić
Oficir za planiranje, 5.pbr OS BiH*

5. pješadijska brigada OS BiH je uspješno završila ciklus obuke pješadijske jedinice privremenog sastava OS BiH koja se upućuje u misiju podrške miru u IR Afganistan. Ovaj put se radilo o sedmoj rotaciji pješadijske jedinice privremenog sastava OS BIH, ujedno trećoj jedinici ove vrste iz sastava 5.pbr OS BiH.



Obuka jedinice je planirana u skladu sa smjernicama i naređenjima Komandanta OK OS BiH, sa početkom razvijanja dokumenata obuke već u mjesecu februaru 2013. godine. Sa realizacijom se počelo u mjesecu martu, i to obavljanjem testiranja i intervjuja sa kandidatima za učešće u obuci jedinice u svim jedinicama 5.pbr OS BiH. Ukupno je testirano 204 potencijalna kandidata dok je po završenoj početnoj selekciji u obuku uključeno njih 93. Pored pripadnika 5.pbr OS BiH u obuku jedinice privremenog sastava kao polaznici obuke uključeni su i pripadnici 4. pbr i brTP OS BiH. Za obuku sedme rotacije korištena je maketa isturene operativne baze (u daljem tekstu „FOB“) koja je izgrađena u periodu priprema četvrte rotacije pješadijske jedinice privremenog sastava OS BiH u kasarni i aerodromu "Dubrave" za potrebe obučavanja jedinica 5.pbr OS BIH za Operacije podrške miru. Postojeća maketa FOB-a

je posebno adaptirana za potrebe obučavanja sedme rotacije, a kako bi odgovorila zahtjevima misije jedinice i specifičnostima okruženja u kojima se misija izvodi.

Posebno formiran direktorijat obuke se u svakom segmentu priprema koristio iskustvima i identifikovanim lekcijama iz perioda obučavanja prethodnih privremenih sastava i njihovih misija. Time se ubrzale i pojednostavile logističko-administrativne procedure, ali i obogatila obuka koja je postala značajno efikasnija i realističnija. Poseban akcent je dat na individualne vještine pružanja taktičke prve pomoći i rukovanja naoružanjem, gdje se polaznicima obuke omogućilo sticanje vještina potrebnih za vođenje bliske borbe i reagovanja na neposredne opasnosti na malim udaljenostima.

Izvršene su dvije selekcije personala u procesu obučavanja i priprema na osnovu pokazanih rezultata u obuci, ali i spremnosti za timski rad i djelovanje u otežanim uslovima rada, te se konačan broj personala sveo na 45 pripadnika jedinice i 9 pripadnika u rezervi.

Jedinica je u svom konačnom sastavu uspješno realizovala dvije vježbe vanjskog ocjenjivanja, na kojima su osposobljenost jedinice za izvršenje misije potvrdili ocjenjivački tim KOiD OS BiH i ocjenjivački tim OS Kraljevine Danske. Time su stečeni svi uslovi za upućivanje jedinice, te potvrđena sposobnost 5.pbr OS BiH da uspješno izvede pripreme i obuku jedinice u operaciju podrške miru u IR Afganistan.



Zjednička vojna vježba sa Nacionalnom gardom Savezne države Maryland, SAD

*kapetan Fahrudin Habibović
Oficir za CVS, 1.pb*

U periodu od 01.06. do 16.06.2013. godine, po naređenju pretpostavljene komande, pješadijsko odjeljenje, iz sastava deklarisane pč/1.pb, je učestvovalo na zajedničkoj godišnjoj vježbi sa pripadnicima pješadijskog bataljona (175.pješadijska regimeta) iz sastava nacionalne garde Merilenda u SAD-a.

Smještaj odjeljenja je bio u Fort AP Hill - Merilend. Tokom cjelokupnog boravka odjeljenja u SAD-a, vojnici i starješine 1.pb su ponosno i dostojanstveno predstavljali OS BiH.



Obuka i vježbovne aktivnosti su realizovane kroz sljedeće sadržaje:

- vježbovno gađanje sa AP M203 grenader,
- bacanje bojeve ručne bombe u cilj,
- obuka u pozivu za vatru odjeljenja,
- kretanje odjeljenja u PDK sa bojevom municijom uz upotrebu helikoptera Black Hawk,
- izvršenje zasjede sa odjeljenjem,
- izviđanje odjeljenjem,
- bojevo gađanje sa mitraljezom 7,62 mm SAW (gađanje je izvodila cjelokupna 175.regimenta, a najbolje rezultate na gađanju postigao pripadnik OS BiH, kaplar Dino Muslić, uz pohvale Komandanta regimete),



- bojevo gađanje sa PASP 7,62 mm i 12,7 mm,
- učestvovanje na završnoj vježbi, pri čemu su pripadnici odjeljenja 1.pb u potpunosti bili integrисани u formacijski sastav 175.pješadijske regimente pri čemu su uspješno realizovali sve zadatke koji su pred njih postavljeni.

Saradnja sa američkim vojnicima i starješinama kao i pokazane vojničke vještine, sposobnosti i disciplina tokom boravka u SAD-a, su odličan pokazatelj da vojnici i starješine OS BiH mogu „rame uz rame“ sa pripadnicima jedne od najvećih vojski svijeta, realizovati postavljene zadatke. Sam boravak u SAD-a kao i sve viđeno i naučeno će biti odličan osnov za nastavak obuke ovog odjeljenja, a i deklarisanih četa.



Придружен тим (ЕАТ) ЕУФОР-а у Команди 5.пбр ОС БиХ

ст.вод.И.кл. Зоран Пророк

Подофицир за ЦВС, 5.пбр ОС БиХ

У циљу изградње самоодрживог система обуке, стандардизације интерних докумената и процедура, те подизања спремности Команде и јединца 5.пјешадијске бригаде ОС БИХ за извршење постављених задатака, Штабу 5.пбр на локацији касарне и аеродрома "Дубраве" додијелен је Придружен тим (ЕАТ) ЕУФОР-а из састава Аустријског контингента.



Бригадир Johannes Rosenblatt води тима, мајор Aleksander Kogart, заставник Thomas Maher и преводилац Амра Хаџиабдић, са старјешинама Штаба 5.пбр ОС БиХ од 07. јануара ове године, активно учествују на припреми, извођењу и оцењивању проведених вјежби, те осталих активности које је наша бригада провела у 2013.години.

Мајора Kogart-а је почетком јесени на дужности замјенио мајор Bernd Paulewicz.

Izvidnička postrojba 5.pbr OS BiH na obuci u skijanju

nrd.I.klase Zvjezdan Tešanović
Izvidnička satnija, 5.pbr OS BiH

Drugi put od формирања brigade, на олимпијском планини Bjelašnici у термину од 25.02. до 01. 03. текуће године, реализирана је обука извидниčkih postrojbi 5.pbr u skijanju. Тако је ове године из састава Извидниčke satnije 5.pbr OS BiH обуку по темама из вјештине скijanja uspješno savladao 3.izvidnički vod (25 pripanika) sa zapovjednikom voda potporučnikom Elvirom Nukićem i zapovjednikom satnije satnikom Draganom Stevanovićem. Обука је изведена у рјечу Babin Dol у складу са Planom obuke, а инструктор обуке био је наš kolega из Brigade taktičke потпоре OS BiH, narednik Rešad Hasanbegović.



Као што је уobičajeno за provedbu ове стручно-specijalističke обуке, полазници су након почетног sagledavanja stanja i procjene znanja, podijeljeni u više grupe, а све у ovisnosti od почетног нивоа osposobljenosti за скijanje. Obzirom da је обука trajala само 5 дана, nije gubilo na vremenu, тако да су već trećeg дана обуке, почетници u скijanju који су први пут „stali na skije“ bez ikakvih problema izvodili основне елементе обуке на skijama.

Treba napomenuti да је jedan vod iz састава извидниčke satnije 5.pbr OS BiH u прошлoj тј. 2012. години uspješno završio стручно-specijalističku обуку из скijanja, te да ће naredne godine na istoj обuci biti upućen 2.izvidnički vod.

Стручноспецијалистичка обука младих војника у 3.пб

капетан Далибор Зељко
Официр за ЦВС, 3.пб

Поводом завршетка стручно-специјалистичке обуке са војницима из других јединица ОС БиХ на обуци у 3. пб, припадници батаљона организовали су церемонију затварања обуке дана 22.11.2013. године у Касарни „Војвода Степа Степановић“. Обука је организована и реализована на такав начин да војници за временски период од мјесец дана, колико је обука и трајала, овладају основним тактичким-техничким подацима за МБ 120мм,



увјежбају за извршавање основних радњи на оруђу.

Знања стечена на обуци, представљају основу за даље усавршавање, те извршавање задатака у матичним јединицама.

Поред обуке војници су имали прилику да слободно вријеме искористе за упознавање града Бијељине, његовим културним и историјским знаменитостима.

Командант батаљона пуковник Бранко Студен честитао је војницима на успјешно савладаној обуци, нагласивши да је реализована обука камен темељац њиховог даљег обучавања и усавршавања.



Основни ТТ подаци

Назив оруђа: Минобацац МВ М-75 120 мм (лаки минобацац)

Калибар: 120 мм

Дужина цијеви: 1690 мм

Маса оруђа у положају за кретање: 263 кг

Маса оруђа на борбеном положају: 177 кг

Домет са лаком мином: 6340 м

Домет са тешком мином: 5551 м

Домет са активно-реактивном мином: 9056 м

Број чланова посаде: 4

Obuka deklariranog voda 1/5.pbr OS BiH

bojnik Zdenko Vidaković

Časnik za informiranje, 5.pbr OS BiH

Obuka se sukladno Godišnjem planu obuke svakodnevno provodi u svim našim postrojbama. Svakako jedna od intenzivnijih odnosi se na obuku deklariranog voda 1.pješačke bojne čiji je temeljni cilj podizanje razine interoperabilnosti na odgovarajući razinu koja omogućava zajedničko djelovanje postrojbi Oružanih snaga BiH (u ovom slučaju postrojba veličine voda) i Oružanih snaga NATO zemalja. Obuka se provodila po temama koje podrazumijevaju sudjelovanje u operacijama potpore miru.

Sukladno tome, u nekoliko navrata organizirana je zajednička obuka, odnosno vježbe sa pripadnicima turskog kontigenta snaga EUFOR-a te su tako naši pripadnici rame uz rame sa NATO vojnicima uvježbavali i dokazivali svoje sposobnosti i vještine.

Sukladno planu zajedničke obuke deklariranih postrojbi OS BiH i snaga EUFOR-a, na lokaciji vojarne i zračne luke "Dubrave" u periodu od 18. do 28.02.2013. godine realizirana je obuka Deklariranog voda 1/5.pbr OS BiH i postrojbe EUFOR-a iz sastava turskog kontingenta. U navedenom periodu, svakodnevno su obrađivane teme po elementima operacija potpore miru, a 22.02.2013. godine na streljuštu "Paša bunar" u Tuzli, realizirana je taktička vježba sa bojevim gađanjem "Desetina u napadu". Završnoj vježbi gađanja, pored najodgovornijih iz 5.pbr nazičio je i Zapovjednik multinacionalne bojne (MnBn) EUFOR-a, pukovnik Hartmut Oumer (TR). Ovaj događaj medijski je propratila i TV kuća "Anadolija".



26.11.2013. godine započela je zajednička vojna vježba deklariranog voda 5.pbr OS BiH i pripadnika multinacionalne bojne (MnBn) EUFOR-a, odnosno vod iz sastava turskog kontigenta EUFOR-a. Prva dva dana vježbe vojnici su proveli u vojnoj bazi „Komanči“ uvježbavajući teoretska i praktična znanja dok su trećeg dana izašli na streljište „Paša bunar“ u Tuzli gdje je provedena vježba bojevog gađanja (LFX) iz karabina M-4 dok je zadnjeg dana izvedena taktička vježba bojevog gađanja desetine u pokretu sa već pomenutim naoružanjem. Sve ove aktivnosti provođene su pod nadzorom Instruktora multinacionalne bojne EUFOR-a.

Provedba operacije „Žetva“

bojnik Zdenko Vidaković
Časnik za informiranje, 5.pbr OS BiH

Operacija „Žetva“ pokrenuta u suradnji sa međunarodnim mirovnim snagama u Bosni i Hercegovini već dugi niz godina daje svoje



rezultate i svakim danom sve je manje i manje nelegalnog naoružanja u posjedu stanovnika Bosne i Hercegovine. Samim time, operacija „Žetva“ ispunjava svoju misiju i doprinosi povećanju stupnja sigurnosti u Bosni i Hercegovini.

Naša brigada, odnosno vojarna „7. mbr“ u Zenici u kojoj je razmještena 1.pješačka bojna, ima veliki

značaj u ovoj operaciji, jer je ova lokacija definirana kao mjesto skladištenja i uništavanja naoružanja prikupljenog u operaciji „Žetva“ za kompletan teritorij Bosne i Hercegovine. Naoružanje na ovoj lokaciji predaju entetski MUP-ovi koji imaju obvezu preuzimanja istog od civilnog stanovništva. Pored pomenutog naoružanja, na ovoj lokaciji se također skladišti i uništava naoružanje koje je bilo predmet sudskih procesa te za iste postoji sudski nalog za uništenje. Uništavanje prikupljenog naoružanja vrši se komisijski, postupkom „gaženja“ inžinjerijskim strojevima, ili sjećenjem plamenikom /brenerom te se na taj način naoružanje pretvara u furdu. U ovoj godini je početkom lipnja izvršeno uništavanja preko 700 komada vatrenog oružja i preko 100 komada dijelova naoružanja.

MUP Unsko-sanskog kantona je 12.11.2013. godine predao Oružanim snagama BiH na lokaciji „7.mbr“ preko 150 komada vatrenog oružja (kratke i duge cijevi) koje će u narednom periodu biti uništeno.

I ovaj primjer kao i mnogi drugi pokazuju dobru suradnju Oružanih snaga BiH sa lokalnom zajednicom i organima civilne vlasti te potvrđuje njenu ulogu u stvaranju sigurnog okruženja za sve stanovnike Bosne i Hercegovine.

Dragovoljno darivanje krvi

bojnik Zdenko Vidaković
Časnik za informiranje, 5.pbr OS BiH

Dobra suradnja naše brigade sa lokalnom zajednicom, u ovom slučaju sa zdravstvenim ustanovama, nastavljena je i ove godine. Tako su naši pripadnici, svjesni činjenice da je ljudska krv najdragocjeniji lijek, u suradnji sa lokalnim Domovima zdravlja i odjelima za transfuziologiju, i ove godine organizirali dragovoljno darivanje krvi.

Bila je ovo ujedno i prilika da se darivateljima krvi, kojima to ranije nije urađeno, izvrši određivanje krvne grupe i Rh faktora te uradi nalaz na transmisione bolesti. Ova aktivnost prerasta u tradiciju jer se već radi na organizaciji

sljedećeg ciklusa dragovoljnog darivanja krvi, a veliki je broj naših pripadnika koji i sami, ne čekajući da to bude organizirano, odlaze u Domove zdravlja i dragovoljno daruju svoju krv, svjesni da će svojim humanim činom, spasiti nečiji život.



Suradnja 5.pbr OS BiH sa CZ TK

bojnik Zdenko Vidaković

Časnik za informiranje 5.pbr OS BiH

Zapovjednik 5.pbr OS BiH brigadir dr.sc. Kenan Dautović sa suradnicima (pukovnicima Draganom Marićem i Čerimom Rastoderom) posjetio je 09.12.2013. godine Kantonalnu upravu Civilne zaštite Tuzlanskog kantona (CZ TK), gdje se susreo sa njenim direktorom mr.sc. Zdenkom Tadićem i njegovim najbližim suradnicima.

Ovaj posjet predstavlja inicijalni sastanak za dogovor o daljoj suradnji nadležnih službi Civilne zaštite i OS BiH pri angažiranju u slučaju elementarnih i drugih nepogoda. Nakon iznošenja obostranog cilja posjete, direktor CZ TK, gospodin Tadić je ukratko upoznao Zapovjednika 5.pbr i njegove suradnike o načinu ustroja i funkcioniranja civilne zaštite na području TK, kao i o njenim dosadašnjim rezultatima, ali i poteškoćama u radu, te neophodnosti što konkretnije suradnje sa postrojbama OS BiH. S druge strane, brigadir Dautović je istaknuo spremnost OS BiH na poboljšanju međusobne suradnje, koja bi se trebala fokusirati na što veći broj zajedničkih sadržaja u prvom redu obuke, ali i procedura.



Na kraju posjete, dogovoreno je da se krajem siječnja naredne godine održi jednodnevni zajednički susret na kojem će se realizirati obostrani tematski sadržaji, ali i dogоворити konkretni oblici suradnje u narednom periodu.

„Operacije“- Seminar u organizaciji 5.pbr i JMTT iz Napulja

satnik Ivo Deanović

Časnik za informiranje 5.pbr OS BiH

Krajem mjeseca rujna 2013. godine u vojarni i zračnoj luci Dubrave održan je petodnevni seminar pod nazivom "Operacije". Seminar je realiziran u organizaciji 5.pješačke brigade i JMTT (Joint Mobile Training Team) iz NATO-ovog sjedišta u Napulju. Svoje znanje o mjestu i ulozi dočasnika tijekom izvođenja operacija, JMTT iz Napulja tematski je obradio i podijelio sa dočasnicima OS BiH.



Svrha ovog seminara bila je dostizanje standarda i interoperabilnosti dočasnicičkog kadra OS BiH i njihovo uvježbavanje kako bi mogli zajedno sa kolegama iz NATO-a sudjelovati ravnopravno u zajedničkim misijama. Seminaru je nazočilo 40 dočasnika iz sastava Oružanih snaga BiH.

Pomoć civilnim strukturama u slučajevima elementarnih nepogoda

bojnik Zdenko Vidaković
Časnik za informiranje, 5.pbr OS BiH

Obzirom na definiranu misiju Oružanih snaga BiH iz koje prizilazi misija 5.pješačke brigade, pored borbenog segmenta u definiciji misije, podjednak značaj dat je i zadaćama 5.pješačke brigade u izvršenju neborbenih zadaća, odnosno pomoći civilnim strukturama vlasti u slučajevima elementarnih i drugih nepogoda koje mogu zadesti našu državu te tako nanijeti ogromne materijalne štete ali i odnijeti ljudske živote. Shodno tome, redovito se planira i provodi obuka iz oblasti pomoći civilnim strukturama vlasti te su tako ove godine sve naše postrojbe provele obuku na temu zaštite i spašavanja od požara i poplava. Značajno je istaći da je jedan dio obuke proveden u suradnji sa organima Civilne zaštite, odnosno profesionalnim vatrogasnim postrojbama koje su uglavnom imale ulogu u segmentu specijalističkog dijela prenoseći našim pripadnicima svoja znanja i vještine. Tijekom cijele godine naša brigada, odnosno bojne na svojim lokacijama razmještaja imaju u pripravnosti dvije privremene postrojbe veličine voda (vod za



protupožarnu zaštitu i vod za zaštitu i spašavanje od poplava) koje su u stanju pasivne pripravnosti i spremne su u najkraćem mogućem vremenu djelovati na lokacijama Oružanih snaga BiH, odnosno na zahtjev civilnih struktura i zapovijed nadređenog zapovjedništva, staviti se na raspolaganje županijskim ili općim službama Civilne zaštite.

Protupožarna obuka na lokaciji vojarne i zračne luke "Dubrave"

U periodu od 01. do 05.07.2013. godine na lokaciji vojarne i zračne luke "Dubrave" provedena je obuka na temu „Pomoć civilnim strukturama u gašenju požara“.

Obuci je nazočilo 40 pripadnika Oružanih snaga iz svih postrojbi razmještenih na lokaciji ovoj lokaciji, a nositelj aktivnosti bila je 5.pješačka brigada. Jedna od značajnih tema na obuci bila je i sanitetska obuka u sklopu koje je praktično obrađeno pružanje pomoći unesrećenima kod najčešćih povreda izazvanih požarima. U izvođenje obuke bili su

uključeni i pripadnici brigade Zračnih snaga, a zadnjeg dana planirana je i provedena obuka na temu „Postupci i procedure u gašenju šumskih požara u koordinaciji sa zračnim snagama“. Prilikom izvođenja ove teme, u jednom dijelu polaznicima obuke demonstriran je siguran ulazak i izlazak iz helikoptera koji je u svrhu gašenja požara opremljen potrebitom protupožarnom opremom.

Obuka protupožarnog voda 2/5.pbr

satnik Željko Krajina
Časnik za CVS, 2/5.pbr OS BiH

Sukladno Godišnjem planu obuke Zapovjedništva 5.pbr OS BiH, 2 pješačka bojna je u vremenu od 22. do 26.07.2013. godine provela obuku sa svojim protupožarnim vodom na temu „Pružanje pomoći civilnim strukturama u slučaju elementarnih nepogoda“. Obuka je provđena u vojarni "Mato Lučić Maturica" u Kiseljaku, a na obuci su pored pripadnika 2/5.pbr sudjelovali i pripadnici Sanitetske satnije Zapovjedništva

logistike. Potporu ovoj aktivnosti pružili su i pripadnici Vatrogasnog društva Kiseljak, koji su pored teoretskog dijela, praktično demonstrirali način uporabe osobnih i kolektivnih sredstava za gašenje požara. Kroz provedene nastavne sate pripadnici Protupožarnog voda su savladali osnove i metode gašenja požara, vrste i način primjene protupožarnih aparata, način uporabe osnovnih sredstava za samozaštitu i samospašavanje, tehnike gašenja požara sa i bez navalnog vozila, pružanje prve pomoći i zbrinjavanje osoba u slučaju nastanka požara.




Спорске активности у 5.пбр

ст.врд.И.кл. Зоран Пророк
Подофицир за ЦВС, 5.пбр ОС БиХ

Спорт и такмичења у 5.пбр поред своје примане улоге имају за циљ и дружење, јачање спортског духа те изградњу како спортског тако и војничког колектива који доприноси бољој и ефикаснијој реализацији постављених задатака. У протеклој години, у складу са Календаром спортских такмичења у ОС БиХ за 2013. годину, реализована су сва планирана такмичења. Поред ових такмичења припадници 5.пбр су учествовали и на међународним и регионалним такмичењима у екипама ОС БиХ. Посебно треба истаћи учешће у спортској екипи ОС БиХ у дисциплини „мали фудбал“, где припадници 5.пбр чине костур тима, а члан екипе поручник Кристијан Панић је и репрезентативац БиХ. Наравно, нећемо изоставити ни војника Дајану Коваћ из састава 2/5.пбр која је члан атлетске екипе ОС БиХ и постиже запажене успјехе. За постигнуте резултате више лица је похваљено и награђено, што је додатни мотив за још боље резултате. Такође, са подмлађивањем војничког састава бригаде, настојимо што већи број војника укључити у спортске активности.

Бригадно спортско првенство

На локацији размјештаја 3.пјешадијског батаљона 5.пбр у Касарни „Војвода Степа Степановић“



5.пјешаћка/пјешијска brigada OS BiH
5.пјешадијска бригада ОС БиХ

Бијељина и стрелишту „Лазаревица“ дана 28. и 29.05. 2013. године, реализовано је Спортско првенство Команде и јединица 5. пбр ОС БиХ у



спорским дисциплинама „Атлетика“, „Орјентационо трчање“ и „Стрљаштво – Аутоматска пушка М16 и Пиштол 7,62 мм“. Осим дружења и развијања такмичарског духа, како појединачно тако и екипа, ово такмичење је имало за сврху и одабир такмичара који су представљали 5.пбр на такмичењу на нивоу ОС БиХ. Домаћин такмичења 3.пб потрудио се да употребни слободно вријеме такмичара кроз обилазак града Бијељине и Етно села „Станишићи“. По завршетку такмичења, најбољим екипама и појединцима од стране организатора уручене су дипломе. Најбоље резултате постигле су следеће екипе:

- „Стрљаштво пушка М16 А1“ : мушки екипа 2.пб, жене екипа 1.пб;
- „Стрљаштво пиштол М57“: мушки екипа 3.пб, жене екипа Команда и приштапске јенице;
- „Атлетика - дисциплине трчање 400, 3000, 10000м, Скок у даљ, Бацање кугле“ најбољи екипни резултат постигла је екипа 2.пб, како у мушкију тако и женској конкуренцији.

Спортске игре на нивоу бригаде

Спортске игре на нивоу 5.пјешадијске бригаде организовала је команда 2.пб 03. и 04.09. 2013. године на локацији размјештаја у касарни

„Мато Лучић Матурица“. Такмичење је реализовано у три дисциплине: мали фудбал, кошарка М/Ж и одбојка М/Ж. На затварању спортских игара испред Команде бригаде, учесницима такмичења обратио се пуковник Ђерим Растодер, нагласивши значај спорта за сваког појединца као и за Оружане снаге у џелини. Честитао је екипама и појединцима на постигнутим резултатима те од њих затражио да у предстојећим такмичењима исказују свој спортски дух те уложе максимум својих напора како би бригада освојила што боља мјеста на нивоу ОС. По завршетку спортских игара, најбољим екипама од стране организатора уручене су и дипломе као трајни знак за постигнути успјех. Најбоље резултате по дисциплинама постигле су следеће екипе:

- „мали фудбал“ екипа 2.пб;
- „одбојка М“ екипа 2.пб,
- „одбојка Ж“ екипа 1.пб;
- „кошарка streetball М“ екипа 2.пб,
- „кошарка streetball Ж“ екипа 1.пб.

Такође, треба истаћи труд и изузетно добру организацију спортских такмичења на нивоу 5.пбр у овој години, коју су реализовале Команде 2. и 3.пјешадијског батаљона.

Мали фудбал на нивоу ОС БиХ

Традиционално, на локацији размјештаја Команде 5.пјешадијске бригаде ОС БиХ, у касарни и аеродрому „Дубраве“ у Живиницама, у организацији 5.пбр, реализовано је такмичење ОС БиХ у дисциплини „Мали ногомет“, на ком је учествовало укупно осам екипа из састава ОС. Побједничка титула и пехар ове године припадала је 4.пјешадијској бригади, друга је била екипа брТП, док је прошлогодишњи побједник такмичења 5.пбр заузела треће мјесто. Најбољем стријелцу, голману и играчу поред пехара уручене су и дипломе. Команде 5.пјешадијске бригаде и јединице са локације размјештаја били су добри домаћини, што су потврдили сви учесници такмичења.



Vojnički izazov 2013

bojnik Zdenko Vidaković
Časnik za informiranje, 5.pbr OS BiH

Na razini 5.pbr OS BiH, 10.10.2013. године, у војарни и зрачној luci „Dubrave“, у складу са Godišnjim planom obuke, realizirano je natjecanje pod nazivom "Vojnički izazov". Ovom već tradicionalnom vojničkom i dočasničkom natjecanju iz sastava brigade pristupile su desetočlane ekipе bojni i jedna ekipа sastavljena iz zapovjedništva brigade, izvidničke satnije, voda Vojne policije i voda veze.

Značaj natjecanja је у побољшању psihofizičke spremnosti i bojeve obučenosti pojedinaca i timova. "Vojnički izazov" је према ranije propisanim propozicijama realiziran као комбинacija natjecanja и то у: tjelesnoj spremnosti, tj. kretanju под opterećenjem на 10 km, vatrenoј obučenosti, tj. гађању из зрачне puške и poznavanju određenih vojničkih вјештина као што су bacanje bombe u cilj i povlačenje tereta.



Punu potporu pripremama i provođenju navedenog natjecanja dao је i O.D. Zapovjednika brigade brigadir dr.sc. Kenan Dautović, koji је и отворio natjecanje, а на kraju је на ceremoniji затварања najuspješnijim ekipама и pojedincima уручио diplome, a prvoplasiranoj ekipi i prelazni pehar.

Pobjednik ovogodišnjeg natjecanja u disciplini "Vojnički izazov" је ekipа 1.пјешице bojне, друго mjesto osvojila је ekipа заповједništva brigade i pristožernih postrojbi, dok је треće mjesto zauzela ekipа topničke bojне.

Manifestacije/Манифестације

Обиљежавање Дана Оружаних снага БиХ у 5.пбр ОС БиХ

ст.вод.И.кл. Зоран Пророк
Подофицир за ЦВС, 5.пбр ОС БиХ

Свечаним постројавањем јединица 5.пјешадијске бригаде на локацијама размјештаја, дана 27.11.2013. године обиљежен је Дан Оружаних снага Босне и Херцеговине на нивоу 5. пјешадијске бригаде. Постројавање на локацијама у Зеници, Кисељаку, Бијељни и Жепчу организовале су команде батаљона за своје припаднике, док је на локацији Касарне и аеродрома „Дубраве“ Команда 5. пјешадијске бригаде било носилац активности свечаног постројавања како за своје припаднике, тако и за припаднике јединица других састава ОС БиХ размјештених на овој локацији. Свеченом постројавању поред припадника Оружаних

5.пјешадијска brigada OS BiH
5.пјешадијска бригада ОС БиХ

снага присуствовали су и представници цивилних структура власти кантоналног и општинског нивоа, представници безбједоносних агенција државног и ентитетског нивоа, представници ЕУФОР-а, ОСЦЕ Мисије у БиХ као и локалне медијске куће.

Ово је била и прилика да се истакнутим појединцима, припадницима 5.пбр ОС БиХ уруче похвале и награде а представницима локалне заједнице са којима бригада има изузетно добру сарадњу уруче захвалнице.

“Дан отворених врата”

Традиционално, поводом обиљежавања годишњице ОС БиХ, на локацији размјештаја Команде 5.пбр ОС БиХ у Касарни и аеродрому Дубраве, те локацијама размјештаја батаљона реализована је манифестација „Дани отворе-них врата“, за ученике основних и средњих школа. Поред дружења и упознавања са различитим садржајима

војничког живота, на тактичко-техничким зборовима презентован је дио наоружања и опреме која се налази на употреби у 5.пбр, као и средства оклопно-механизо-ваних јединица и АБХО јединица брТП .

Реализацијом манифестације „Дани отворених врата“ поводом обиљежавања годишњице ОС БиХ на свим локацијама 5.пбр, припадници бригаде су још једном на најбољи начин представили ОС БиХ, посебно у смислу отворености и транспарентности ОС БиХ према јавности, што су потврдила највиша лица малишана и њихов позив на узвратну посјету.



У току 2013. године сва богослужења по календару СПЦ-е су редовно обављана и православни војници – вјерници су узимали активног учешћа у њима. Духовне припреме за постове обављале су се редовно кроз проповједи и духовне разговоре, а војници – вјерници су редовно приступали Св. тајнама Поклонања и Исповијести и Св. Причешћа. На празник Св. Цара Константина и Царице Јелене (03.06.), православни војници који службују у касарни "Дубраве" и касарни "ЈКГ" у Жепчу, заједно са својим бригадним

Православно душебрижништво

Јереј Иван Савиновић

Бригадни свештеник, 5.пбр ОС БиХ



свештеником посјетили су манастир Св. Николе на Озрену. У мјесецу јулу (21.07.) прославили смо и Крсну славу храма на локацији – св. великомуч. Прокопија. У периоду од 06. до 10.08.2013. године, по плану Канцеларије православног душебрижништва, бригадни свештеник као вођа пута и 30 православних војника – вјерника, ишли су на поклоничко путовање у манастире Свете Горе (Р. Грчка). Боравак на овим светим мјестима оставио је дубок и неизбрисив утисак на све поклонике. Током 2013. године, поред редовних богослужења и одласка на поклоничка путовања православни војници – вјерници имали су прилику да присуствују пројекцији неколико филмова духовно–вјерског садржаја, те да се уз заједничке и приватне разговоре са надлежним војним свештеником упознају са богаством и истинама православне вјере.

Imamska služba

Sejdalija Hrnjić

Brigadni imam, 5.pbr OS BiH

Imamska služba 5. pbr je sastavni dio organizacione strukture Vojnog muftijstva i ima zadatku da kroz osiguranja vjerskih prava i slobode muslimana u brigadi doprinese što boljem realiziranju misije brigade. Njeno funkcioniranje je u skladu sa već, ranije donešenim normativnim aktima koji regulišu pitanja vjerkog života, te Smjernicama Vojnog muftije i Glavnog imama OS BiH. U svojoj organizacijskoj strukturi imamsku službu 5. pbr čine dva imama (brigadni i bataljonski), koji u određenim okolnostima na lokacijama brigade organiziraju vjerski život za muslimane. S tim u vezi u vojnim mesdžidima je organizirano obavljanje dnevnih namaza i džume petkom na dvije lokacije. Pored obrednih sadržaja koje se svakodnevno provode izvršeno je i obilježavanje značajnih datuma iz kalendara IZ-e u BiH. Tako je dana, 30.01.2013. godine kasarni i aerodrom „Dubrave“ realiziran program povodom Mevluda-rođenje Muhammeda, a.s. U mesdžidima brigade je 10.05.2013. godine zvršeno pdsjećanje na Dan džamija 7. maj kroz temu „Uloga i značaj džamije u islamu“. U ovoj godini težišne aktivnosti imama 5.pbr su bile usmjerene na realizaciji ramazanskih sadržaja. Povodom obilježavanja Kurban bajrama, komandu i jedinice brigade je posjetio Vojni muftija i tom prilikom je vjernicima uputio svoju bajramsku poruku. Centralni bajramski programi obilježavanja bajrama u OS BiH su realizirani u kasarni „7.Mbr“-Zenica. Ove godine je brigada u organizaciji Vojnog muftijstva uputila dva pripadnika u Meku radi obavljanja obreda- hadža. Pored ovih aktivnosti vojni imami 5.pbr su dali svoje učešće u pružanju vjerske podrške prilikom održavanja manifestacije „Ajvatovica“, „Marš mira 2013“ Srebrenica i „Odbrana BiH- Igman 2013“ i drugo.



Vojno dušobrižništvo

don Jakov Pavlović

Brigadni kapelan, 5.pbr

Povijest vojnog dušobrižništva nije novijeg datuma, nego je njegova povijest jako bogata i duga. Naime poznato je kako su već Židovi, Grci i Rimljani imali u svojim postrojbama i svećenike odnosno vjerske službenike. I ne samo oni nego i drugi narodi činili su isto. Iz Biblije vidimo da sv. Ivan Krstitelj na pitanje „što je nama činiti“ odgovara i nazočnim vojnicima:

„Nikome ne činite nasilja, nikoga krivo ne prijavljujte i budite zadovoljni svojom plaćom“ (Lk 3,14). Tako možemo reći da vojno dušobrižništvo spada u najstariji staleški pastoral Katoličke Crkve a inače duhovna skrb za vojнике prisutna je na ovaj ili onaj način gotovo u svim vojskama svijeta. Kod katolika to znači i mjesto i područje na kojem Crkva djeluje sa posebnom grupom ljudi čije življenje oblikuje određeno mjesto u društvu i specifičan način rada. Stoga dušobrižništvo ima važan smisao za izgradnju osobe, čovjeka kako bi što kvalitetnije obavljao službu i izvršavao povjerene zadaće. I zato koliko god je važno za vojнике da sudjeluju kod bogoslužja, sv. mise, podjele sakramenata, bitno je da budu poučeni i vjerskim istinama. Mi Hrvati katolici Bosne i Hercegovine, živeći i radeći na ovim prostorima sretni smo i radosni zajedno sa drugima da je svanuo dan slobodnog ispovijedanja i življenja svoje vjere i njezine nazočnosti u svim sferama ljudskog življenja.



Vojnij biskup don Tomo Vukšić, blagoslov kapelice u vojarni i zračnoj luci "Dubrave" posvećenu bl. Ivanu Pavlu II

